

ফিলিপিনে ইফুগাঁও এ অবসরে

ফিলিপিনে ইফুগাঁও এ ব্যানাইউক হোটেলের করিডোরে
দিনের শেষে বসে ছিলাম কফি হাতে, অবসরে-
সন্ধ্যা ওই স্থীর গতিতে দিগন্ত থেকে আসছিল ফিরে
সূর্যের সাথে মনের কতো গোপন কথা সেরে!

অনন্ত আকাশের গোটা দিগন্ত ক্রমশ যাচ্ছিল ভ'রে
হালকা আলোর অন্ধকারে-
সন্ধিক্ষণের পরশ লেগেছিল যেন
প্রকৃতির অন্তরে অন্তরে।

নদীর ওপার থেকে হালকা গান আসছিল ভেসে
দিগন্তের দিকে দিকে আকাশে বাতাসে
সন্ধ্যার কতো সঙ্গীও আসছিল কেমন
ভরা মেঘ আর বৃষ্টির আবছা কালোর বেশে।

দূরের পাহাড় দাঁড়িয়ে ছিল-নির্বিকার, নির্ভয়
যদিও বনে জঙ্গলে প্রাণের ফাঁকে ফাঁকে
কারা যেন সশব্দে হেসে ওঠেছিল-
কলরব ক'রে ডেকে।

ধানের ক্ষেতে শীষের দোলায় কতো প্রাণের কথা
ভরা যৌবনে বিজুত প্রান্তরে প্রাণে প্রাণে আকুলতা
প্রকৃতির প্রান্তরে প্রকৃতির খুসী দেখতে পেলাম এসে
ফিলিপিন দেশে মনের নিভূতে ব্যানাইউক হোটেল বসে।

আমার সাথে প্রকৃতির আলাপ নাই বা হ'ল ব্যাপক
কি এসে যায় তাতে
চোখের দেখায় মনের বোঝায় প্রকৃতির প্রান্তরে প্রান্তরে
সতেজ সুখ সমৃদ্ধ এতো, এতো আনন্দ যাতে!